



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Health

Broj: 10-11-9189-5/26  
Datum: 18.05.2026.godine

**Sanitacija d.o.o.**  
**Malta 17**  
**71000 Sarajevo**  
**Bosna i Hercegovina**

**Sanacija 3D d.o.o.**  
**Nedežde Petrović 18DO**  
**71000 Sarajevo**  
**Bosna i Hercegovina**

Ministarstvo zdravstva Kantona Sarajevo na osnovu čl. 69. Stav (2) tačka d) i čl. 70. Zakona o javnim nabavkama („Sl. glasnik BiH“, broj: 39/14, 59/22 i 50/24), te čl. 70. Zakona o organizaciji organa uprave u FBiH („Službene novine FBiH“, br.35/05), na preporuku Komisije koja je sastavni dio Zapisnika o pregledu i ocjeni ponuda br: 10-11-9189-2/26 od 14.05.2026.godine, a u predmetu javne nabavke Usluge operativnih faza (proljetnih i jesenjih) obavezne preventivne sistematske deratizacije na području Kantona Sarajevo za period 2026. - 2028. godine donosi:

### **ODLUKU** **o poništenju postupka javne nabavke**

1. Poništava se otvoreni postupak javne nabavke “Usluge operativnih faza (proljetnih i jesenjih) obavezne preventivne sistematske deratizacije na području Kantona Sarajevo za period 2026. - 2028. godine” objavljen na portalu javnih nabavki dana 18.03.2026.godine, broj obavještenja: 1332-1-2-2-3-3/26, jer nijedna zaprimljena ponuda nije prihvatljiva.
2. Ova Odluka će se objaviti na Internet stranici Ministarstva zdravstva Kantona Sarajevo u skladu sa članom 70. stav 6. Zakona o javnim nabavkama („Sl. glasnik BiH“, broj: 39/14, 59/22 i 50/24).

### **O b r a z l o ž e n j e**

Poništava se postupak javne nabavke pokrenut Odlukom o pokretanju postupka broj: 10-11-9189/26 dana 17.03.2026.godine. Javna nabavka je provedena u otvorenom postupku u skladu sa članom 25. Zakona o javnim nabavkama. Ugovorni organ je objavio obavještenje za predmetnu nabavku na portalu javnih nabavki pod rednim brojem 332-1-2-2-3-3/26  
Rok za dostavu ponuda bio je 04.05.2026. godine do 11,00 sati.  
Za navedenu nabavku u predviđenom roku i uredno zatvorenim kovertama, dostavljene su sljedeće ponude ponuđača:

- Sanitacija d.o.o.
- Sanacija 3D d.o.o. i Deratizer d.o.o. ( konzorcij)



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-104, Fax: + 387 (0) 33 562-243  
Web: <http://mz.ks.gov.ba>, E-mail: [mz@mz.ks.gov.ba](mailto:mz@mz.ks.gov.ba)

U skladu sa Odlukom o pokretanju postupka, Komisija za javnu nabavku, formirana Rješenjem o imenovanju broj:10-11-9189-1/26 od 17.03.2026. do 15.05.2026.godine provela je proceduru nabavke, obavila javno otvaranje ponuda, sačinila i dostavila Zapisnik otvaranju ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa, te utvrdila:

- da je ukupan broj pristiglih ponuda- dva (2)
- da je blagovremeno zaprimljena dvije (dvije) ponude
- da nema neblagovremeno zaprimljenih ponuda.

Nadalje, Komisija je izvršila pregled i ocjenu zaprimljenih ponuda te ustanovila sljedeće:

**U postupku pregleda i ocjene ponuda utvrđeno je da ponuđač Sanitacija d.o.o nije ispunio uslove propisane tenderskom dokumentacijom, te se njegova ponuda odbija kao neprihvatljiva iz sljedećih razloga:**

### **1. Nepotpuna dokumentacija**

Ponuđač nije dostavio potpunu izjavu/dokumentaciju zahtijevanu tenderskom dokumentacijom, odnosno nedostaje deklaracija za ponuđene preparate, čime nije ispunjen formalni uslov iz tenderske dokumentacije.

### **2. Neispunjavanje tehničkih uslova u pogledu vrste i koncentracije otrova**

Uvidom u dostavljene certifikate utvrđeno je da ponuđeni preparati ne ispunjavaju zahtjeve iz tenderske dokumentacije, i to:

- Meki mamac (pasta) sa aktivnom komponentom BROMADIOLON u koncentraciji 0,005% odgovara III skupini otrova,

prema Rješenju o utvrđivanju Liste otrova koji se mogu stavljati u promet u Federaciji Bosne i Hercegovine („Službene novine Federacije BiH“, broj 50/08).

Tenderskom dokumentacijom, Aneks III, napomena e), propisano je:

„Za provođenje deratizacije koristiti će se isključivo rodenticidi druge generacije antikoagulanata čiji sastav mora odgovarati skupini otrova II grupe iz važećeg Rješenja o utvrđivanju liste otrova koji se mogu stavljati u promet u FBiH.“

Navedeni zahtjev preuzet je iz Programa izvođenja obavezne preventivne sistematske deratizacije na području Kantona Sarajevo za period 2026–2028. godine („Službene novine Kantona Sarajevo“, broj 52/25).

Istim je jasno propisano da ponuđeni preparati moraju odgovarati II skupini otrova, odnosno da koncentracija aktivne supstance mora biti u rasponu od 0,008% do 0,25%.

S obzirom da ponuđač za preparat sa aktivnom komponentom BROMADIOLON nudi koncentraciju od 0,005%, koja prema važećem propisu odgovara III skupini otrova, ponuđeni preparat ne ispunjava zahtjeve tenderske dokumentacije.



Imajući u vidu navedeno, ponuda ponuđača se odbija kao neprihvatljiva zbog neispunjavanja formalnih i tehničkih uslova propisanih tenderskom dokumentacijom.

- **U postupku pregleda i ocjene ponuda utvrđeno je da ponuđač Sanacija 3D d.o.o i Deratizer d.o.o ( konzorcij) nije ispunio uslove propisane tenderskom dokumentacijom, te se njegova ponuda odbija kao neprihvatljiva iz sljedećih razloga:**

### **1. Nepotpuna dokumentacija**

Ponuđač nije dostavio potpunu izjavu/dokumentaciju zahtijevanu tenderskom dokumentacijom, odnosno nedostaje deklaracija za ponuđene preparate, čime nije ispunjen formalni uslov iz tenderske dokumentacije.

### **2. Neispunjavanje tehničkih uslova u pogledu kadra**

Komisija za provođenje postupka javne nabavke izvršila je pregled i ocjenu dostavljene dokumentacije ponuđača konzorcija u odnosu na uslove propisane tenderskom dokumentacijom, tačka 1.4.1. – Obrazovne i profesionalne kvalifikacije osoblja.

Uvidom u dostavljenu dokumentaciju utvrđeno je da je ponuđač dostavio tražene dokaze u pogledu stručnog kadra propisanog Pravilnikom 30/16, uključujući i dokumentaciju za doktoricu medicine, specijalistu epidemiologije, koja je prema dostavljenoj dokumentaciji ponuđača trebala predstavljati angažovani stručni kadar za obavljanje predmetnih poslova.

Međutim, dana 07.05.2026. godine na protokol Ministarstva zaprimljen je zahtjev navedene doktorice specijaliste epidemiologije za provjeru moguće zloupotrebe ličnih dokumenata i podataka od strane ponuđača konzorcija Sanacija 3D i Deratizer d.o.o., u kojem navodi da postoji osnovana sumnja da su njeni dokumenti iskorišteni u predmetnom postupku javne nabavke bez njenog znanja i saglasnosti. Uz zahtjev su dostavljeni izjava ovjerena kod nadležnog organa, kao i uvjerenje nadležne Porezne uprave o periodima prijave osiguranja.

Postupajući po navedenom zahtjevu, Komisija je izvršila provjeru dostavljene dokumentacije i utvrdila sljedeće:

- da se navedena doktorica specijaliste epidemiologije nalazi na listi stručnog kadra ponuđača/konzorcija;
- da je prema evidencijama nadležne Porezne uprave bila prijavljena kod ponuđača „Sanacija 3D“ u periodu od 10.03.2025. do 10.04.2025. godine, te kod Deratizera d.o.o. u periodu od 09.03.2026. do 31.03.2026. godine;
- da u momentu davanja izjava od strane ponuđača odnosno nosioca konzorcija Sanacija 3D od 24.04.2026 i predaje ponude na protokol Ministarstva zdravstva dana 04.05.2026. godine navedena doktorica specijalista epidemiologije nije bila zaposlenik ponuđača Deratizer d.o.o.;
- da je ponuđač Deratizer d.o.o. dostavio listu osiguranih lica sa datumom 13.03.2026. godine, ovjerenu dana 23.04.2026. godine, u vrijeme kad je navedena doktorica specijalista epidemiologije već bila odjavljena iz evidencije osiguranja;



- da je ponuđač dostavio ovjerenu kopiju diplome navedene doktorice specijaliste epidemiologije ovjerenu dana 07.04.2026. godine, kao i uvjerenje o položenom specijalističkom ispitu ovjereno dana 23.03.2026. godine.

Na osnovu izvršenih provjera i dostavljene dokumentacije Komisija je konstatovala da ponuđač/konzorcij Sanacija 3D d.o.o. i Deratizer d.o.o. nisu dokazali da na dan podnošenja ponude raspolažu traženim stručnim kadrom u skladu sa tačkom 1.4.1. tenderske dokumentacije, odnosno da ne ispunjavaju uslov koji se odnosi na najmanje 1 (jednog) doktora medicine – specijalistu epidemiologije ili higijene, što je zahtjevano za svakog člana konzorcija.

Također, imajući u vidu navode i dostavljene dokaze koji upućuju na moguću zloupotrebu ličnih podataka i dokumentacije, Komisija će kompletnu dokumentaciju i saznanja proslijediti nadležnim institucijama na dalje postupanje i utvrđivanje eventualne odgovornosti.

Shodno navedenom, ponuda ponuđača se odbija kao neprihvatljiva zbog neispunjavanja uslova propisanih tenderskom dokumentacijom u dijelu koji se odnosi na obavezni stručni kadar.

Imajući u vidu navedeno, ponude ponuđača ocijenjuje se kao neprihvatljive.

O izvršenom pregledu i ocjeni ponude sačinjen je Zapisnik i preporuka ugovornom organu, br: Broj: 10-11-9189-2/26 od 14.05.2026.godine.

Ugovorni organ je ocjenu Komisije prihvatio kao ispravnu te je, shodno odredbama člana 69. stav (2) tačka d) Zakona o javnim nabavkama, odlučeno je kao u dispozitivu Odluke.

#### **Pouka o pravnom lijeku:**

Protiv ove odluke može se izjaviti žalba Uredu za razmatranje žalbi, putem ugovornog organa u roku od 10 (deset) dana od dana prijema odluke.

Žalba se podnosi Ugovornom organu (Ministarstvo zdravstva Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u skladu sa članom 108. Zakona o javnim nabavkama.


Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.

#### **Prilog:**

1. - Zapisnik o pregledu i ocjeni ponuda broj: 10-11-9189-3/26 od 14.05.2026.
2. - Obavještenje broj 10-11-9189-4/26 od 15.05.2026.

#### **Dostaviti:**

1. Naslovu
2. Ministarstvo zdravstva Kantona Sarajevo
3. evidenciji



**Prim. mr sci. dr med. Enis Hasanović**

